



P r o t o c o l

<i>Società da chatschaders Lischana:</i>	<i>Actuara:</i>	
Radunanza d'utuon 2023	Juliette Duschèn	
<i>Lö da sezzüda:</i> Restorant Trü, Scuol	<i>Datum:</i> 18.08.2023	<i>Urari:</i> 20.00
<i>Partecipants:</i> Società da chatschaders Lischana	<i>Scumpart:</i> Cul prosem invid	
S-chüsats: Jon Domenic Parolini, Susanna Fanzun, Fabian Grond, Tiziano Castellani, Flurin Parolini, Adrian Florinett, Hanspeter Eugster, Claudio Zanetti, Marcus Florinett, Werner Keller, Walter Casura, Curdin Gernett, Armon Parolini, Hanspeter Dorta, Carlo Zannier, Enzo Zannier, Gian Reto Alini, Silvan Arquint, Anna Mengia Demonti, Räto Demonti, Sandro Fasani, Roland Regensburger, Rino Regensburger		
<i>Tractandas:</i>		
<ol style="list-style-type: none"> 1. Salüds ed elecziun dals scrutinaduors 2. Approvaziun dal protocol da la radunanza dals 22 avrigl 2023 3. Infuormaziuns da las prescripziuns da chatscha 2023 4. Reflecziun da las activitats 2023 (Tir intern e festa natiunala) 5. Mutaziuns 6. Dumonda da prinzip per surtour la delegiada BKPJV 2028 7. Tratta da büs-cha per las patentas da chatscha 2023 8. Varia 9. Sguard süs salvamaint d'usöls ed infuormaziuns actualas dal ufizi 		

1. Salüds ed elecziun dals scrutinaduors

Mario il president salüda a tuots preschaints a la radunanza d'utuon 2023. Ün salüd spezial va a nos commember d'onur Matthias Merz sco eir als guargiasulvaschinas Curdin Florineth e Not Pua. Ils s-chüsats nu vegnan manzunats persunalmaing dimpersè manzunats i'l protocol. Uschè as poja subit cha'l protocol es fat bun leger davo sün nossa pagina d'internet.

Güsta sco prüm infuormescha il president chi'd es pront davantvart sün maisa las cartas da commembranza dal BSC. El giavüscha a tuots preschaints da tour cun sai ün carta avant co ir. Sco scrutinaduor vain elet Roger Bischoff

2. Aprovaziun dal protocol da la radunanza dals 22 avrigl 2023

Il protocol da la radunanza da prümavira es gnü protramiss cul invid a quista radunanza. Gian Reto Demonti s'ha annunzchà fingià ouravant. El ha constatà cha suot tractandum 8 es gnü protocolà, pro la dumonda d'abolir il premi per las vuolps, il fos nom. Quista correctura es gnüda fatta immediat, uschè cha il protocol actual es fingià protocolà il dret nom.

Matthias Merz giavüscha da müdar giò il protocol e quai seguaintamanig: Strichar la frasa ch'el nun ha vulgü tour incunter il premi ambulat da la chatscha da vuolp. El manzuna chi nun es pussibel da tour per adüna ün premi ambulat. Implü fa Matthias la poposta da na publicar plü ils s-chüsats sül protocol, quai es para fingià üna vouta avant divers ons decis, per la paja da metter pro la glista da preschentscha.

I vain decis unanim da metter pro in avegnir la glista da preschentscha pro'ls protocols. E quai chi riguarda il manzunar ils s-chüsats süls protocols, prova la suprastanza da chattar oura scha e cura cha quai es gnü decis in radunanza. Schi nu's es bun da erruir cur cha quist es gnü decis fa il president la proposta da tractandar il tema per la prosma radunanza e da vuschar giò lura tenor amo üna vouta.

La radunanza fa bun il protocol, cun las correcturas giavüschadas, unanim. Il president ingrazcha a Juliette Duschèn per scriver il protocol. Quist protocol vain publichà sco üsità sün nossa pagina nouva d'internet.

3. Infuormaziuns da las prescripziuns da chatscha 2023

Id es bod tradiziun cha noss guardia sulvaschinas ans infuormeschan in la radunanza d'utuon sur dals müdamaints e novitats in las prescripziuns annualas da chatscha. Il president ingrazcha fich per quista sporta e surdà a Curdin Florineth il pled. Nos guardia sulvaschina manzuna chi ha dat insè per quist on pacs fin ingüns müdamaints per nossa regiun. In spezial muossa el via chi'd es pussibel il district 9, Ardez – Zernez, da schluppettar ün seguond boc da chavriöl schi's accumulischas las cundiziuns d'avair, eir in quel district, schluppettà ouravant duos chavras da chavriöl süttas e muossà avant quellas. Implü dà el güsta resposta ouravant sün dumondas chi vegnan on per on. Eir declera el ingio chi ha dat müdamaints da plazzas da parcar per chatschaders ed eir müdamaints vi d'asils in nossa regiun. Actual es amo cha a partir dal 2024 nun esa plü pussibel da cumprar sco privat "Wasserstoff 35%" per sblachir cornas. Quia füssa bun schi's chattes üna soluziun tanter chatschaders o chi's infuormescha schi dà otras pussibilitats per sblachir.

4. Reflecziun da las activitats d'urant il 2023

In sonda als 22 lügl vaina manà tras sco minch'on nos tir intern. Sco prüma less il president ingrazchar fich a tuot ils agüdants, als sponsurs e donaturs ma eir als partecipants. Puchadamaing s'ha cruschà il termin cun plüsas occurenzas in ed our cumün, causa quai sarà stat eir la partecipaziun nòia güsta sco giavüschà. Üna buna idea es statta da dar liber tuot ils calibers da la .222 fin la 10,3. Intuot han tut part 21 commembers e 6 candidats al tir. Pero tuot quels chi han tut part sun stats üna vouta daplü inchantats da las passas ed a la fin haja dat üna flotta festina cun star da cumpagnia e dar amo üna baderlada. La suprastanza ha discutà intant sco cha pudessan far gnir plü atractiv nos tir. Il prüm müdamaint daraja fingià dal 2024 ingio chid es previs da far il tir intern darcheu in avuost e quai güsta cumbinà cun nossa radunanza d'utuon. Forza cha lura nu saja collisiuns da termins ed ün o l'oter commember chi gnis a radunanza vain güsta eir amo al tir. La data pel tir intern dal 2024, scha la cumischiun d'Urezzas fa bun quel, es previs per sonda als 17 avuost. Implü pudaina lura integrar sgüra eir amo la schaibgia movibla in las passas.

Pro la festa dals 1 avuost vaina cumbattü ouravant, causa las prognosas da l'ora, cun la decisiun scha fain quista giò'n Plaz o lura in sala cumünala. Il lündeschdi a bunura as haja lura decis definitiv da manar tras tuot giò'n Plaz. Ün grondischem grazcha fich va a tuot las agüdantas ed agüdants ed eir a tuot il pastiziers/as da tuorta. Davent da las 17.00 vaina pudü salüdar ad ün grond numer da giasts. Fingià d'urant la saira han divers dals agüdants s'annunzchats e manzunà chi'd es in mincha cas da contiunar eir in avegnir cun quista ustaria. Eir il success finanziel, no vain pudü serrar giò il rendaquint cun ün guadogn net da CHF 4'900.00, muossa chi fa segn da continuar. Intant as haja eir fat üna glista ingio chi'd es da far correcturas per optimar l'organisaziun.

Il president fa la dumonda a la radunanza schi's es daperüna da continuar? La radunanza decida unanim da continuar.

5. Mutaziuns

Sco prüma vaina displaschaivelmaing da dar cuntshaint la mort da nos commember Peter Münzel. El es mort als 6 gün 2023. Il cumgià adequat vain lura fat sco üsit a la radunanza generala.

I fa grond plaschair cha pudain darcheu preschantar duos dumondas per gnir commembers in nossa società.

Sco commember A fa Dea Biert la dumonda da gnir tut sü. Dea nun es amo mai stat commember d'üna società el ha fat l'examen dal 2009 ed es uossa persvas cha üna commembranza es üna buna roba. Implü vaina amo a Barthli Schrofer chi gnis gugent commember B da la Lischana. El es president da la secziun Calanda ed es stat insembel cun seis figlis a chatscha da capricorns in S-charl.

Tuots duos commembers sun gnüts tut sü sainza cuntervusch.

6. Dumonda da prinzip Delegiada BKPJV 2028

Il president infuormescha cha, davo chi ha gnü lö dal 1999 e dal 2013 la delegiada a Scuol, füssa dal 2028 forza darcheu bun scha la Lischana organises üna delegiada. Eir davart il

president da la BKPJV ha fat üna remarcha simla in chosa. Mario declera cha uschè ün evenimaint grond es per mincha secziun chi organisescha, dasper la gronda lavur, eir üna buna pussibilità per implir la chascha.

Matthias Merz chid es stat president d'organisaziun quinta sco chi'd es stat dal 2013 el ha fat ün per remarchas eir a reguad il guadogn chi nun es sco chi par gnü dovrà lura sco chi'd es stat previs per evenimaints e giodimaints pels commembers. Pero el es in mincha cas da l'idea d'organisar danovmaing üna delegiada. Hanspeter Zogg giavüscha da na sduvlar vi da roba chi'd es passada el survain sustegn da Flurin Filli. Tuots duos sustegnan l'idea da surtour dal 2028 la delegiada. In seguit decida la radunanza unanim per la delegiada ed il president spera cha tuots chi han uossa vuschà pèr sun lura eir da la partida per güdar. El ingrazcha per quist votum ed annunzcha l'interess da la Lischana per surtour la delegiada pro la suprastanza centrala.

7. Tratta da büs-cha per las patentas da chatscha

Tenor il reglamaint da las büs-chas vaina eir quist on la pussibilità da trar la büs-cha per duos mezzas patentas da chatsch'ota ed üna patenta da chatscha bassa. Avant co trar la büs-cha less la suprastanza pero ingrazchar a tuots chi han in ün o l'otera magniera tut part a las activitats da nossa società. Cun quista acziun da trar la büs-cha per las patentas lessan motivar a plü blers commembers pussibel da tour part a la vita da la Lischana.

Intuot sun **223** büs-chas, tenor la glista chi's po perseguitar sün nossa pagina d'internet www.chatscha.ch, in l'urna.

Il president manzuna amo chi's po gnir trat oura be per üna patenta pro commember e fa la proposta cha Not Pua sco persuna neutrala figürescha sco diala da furtüna.

Quist on daja amo ün quart premi e quai ün Super Bock (chaista bira)

Quist premi va a Peter Ladner.

La patenta da chatscha bassa 2023 va a Hanspeter Zogg

La prüma mezza patenta da chatsch'ota 2023 va a Gian Paul Arquint

La segunda mezza patenta da chatsch'ota 2023 va a Diego Dell Andrino

Il president gratulescha a tuots vendschaders ed intimescha a tuots commembers d'eir in avegnir da tour part a las occurenzas da la Lischana uschè cha tuots activs han la pussibilità da guadagnar patentas.

9. Varia

La vendità da patentas ha lö quist on a Scuol als 22 avuost da las 19.00 – 21.00 in chasa cumünala. Matthias manzuna ch'el nu chatta in uorden chi vain acceptà be amo cartas da credit per cumprar la patenta. El es da l'idea cha'l chantun nu stess promover uschè svilups cunter la munaida bluotta.

Sco minch'on giavüscha il president, eir in nom da tuot la suprastanza, a tuot ils preschaints ün schlass in bocca d'luf. El tira eir quist on attent e giavüscha cha tuots commembers da la Lischana ma eir tuot ils chatschaders Grischuns as deportan adequat e correctamaing d'ürant la chatscha, chi nu detta intops chi mettan in dumonda nossa chatscha libra Grischuna. In mincha cas giavüscha el a tuots da giodair la chatscha e da tuornar frisks e sans a chasa.

10. Sguard sül salvamaint d'usöls ed infuormaziuns actualas da l'uffizi da Crudin Florineth

Nos president ingrazcha a Curdin ch'el es pront da far gnir plü interessant quista sairada cun differentas infuormaziuns. El dà il pled a Curdin.

Davo cha'l president ha fingià serrà la radunanza haja dat, intimà da Matthias Merz, amo üna discussiun a reguad il möd e l'idea da plazzar muglins da vent in la regiun dal Champatsch. Davo plüsas plects cunter quist agir dal chantun e confederaziun s'annunzchan Flurina Filli e Matthias Merz per scriver üna moziun al cussagl da cumün in chosa. Els rapportaran lura in detagl in la prosma radunanza.

Per il protocol: l'actuara Juliette Duschèn

Società chatschaders Lischana



Lista da preschentscha radunanza da primavaira 22.04.2023

1	Mario Duscher	24	J. Petrucci
2	Silvan Arqvint	25	J. Petrucci
3	Juliette Duscher	26	Jusama Klug
4	Dora F. Li	27	Francis Keller
5	STH	28	Gudench Bischoff
6	M. H.	29	Walter Caspary
7	Simon Schlatter	30	Fabio Skcher
8	Rofael Gumpold	31	Tiziano Carlini
9	Diego Dell'Artrina	32	
10	Muschietti Quodi	33	
11	Andri Huber	34	
12	Cyrdia Geyser	35	
13	Matthias U. A.	36	
14	Samy Fiorinelli	37	
15	STH	38	
16	Omar Mall	39	
17	Gian-Clo Mall	40	
18	Hans Peter Dorf	41	
19	Alain Jacc-Reto	42	
20	Emmuer Enzo	43	
21	Emmuer Carlo	44	
22	Rene L. für Peto	45	
23	STH 161	46	